



# ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՅԱՆՔԵՐՈՒ ԱՐԵՄՏԵԱՆ ԹԵՄԻ

## WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: [Prelacy@aol.com](mailto:Prelacy@aol.com) Website: [www.westernprelacy.org](http://www.westernprelacy.org)



### ԵՐԻՏԱՍԱՐԴԱՅ ՀԱԻԱՔԻՆ ԱՌԻԹՈՎ

**«ԵՐԻՏԱՍԱՐԴԱՅ ԽՄԲԱԿՆԵՐՈՒ ԶԵՐ ԱՆԴԱՄԱԿՑՈՒԹԻՒՆԸ ՊԵՏՔ Է ԱՐԺԵՒՐԵՔ ԵԿԵՂԵՑԱԿԱՆ ԿԵԱՆՔԻՆ ՄԱՍՆԱԿՑՈՒԹԻՒՆ ԲԵՐԵԼՈՎ ՈՒ ԳՈՐԾՕՆ ԴԵՐ ՍՏԱՆՁՆԵԼՈՎ»**

### *ՊԱՏԳԱՄԵՅ ԱՌԱՋՆՈՐԴ ՍՐԲԱՉԱՆԸ*

Շաբաթ Հոկտեմբեր 4-ի յետմիջօրեին, Ազգ. Առաջնորդարանի «Տիգրան եւ Չարուհի Տեր Ղազարեան» սրահին մէջ, կազմակերպութեամբ Թեմիս Երիտասարդաց Գործադիր Մարմնի Յանձնախումբին եւ նախագահութեամբ Թեմիս Առաջնորդ Բարձր. Տ. Սուշեղ Արք. Մարտիրոսեանի, Երիտասարդաց հաւաք մը կազմակերպուած էր, ներկայացնելու 13-20 Օգոստոսին, Կաթողիկոսարանի Դպրեվանքին յարկին տակ, Պիքֆայա, տեղի ունեցած միջ-թեմական Երիտասարդական համագումարէն բշած առաջարկները, զորս ներկայացուցին մեր Թեմին կողմէ մասնակցող պատուիրակութենէն ութ Երիտասարդ-Երիտասարդուհիներ, գլխաւորութեամբ Հոգ. Տ. Պարթեւ Կրդ. Կիւլիւմեանի:

Հաւաքին սկիզբը բարի գալստեան խօսք արտասանեց Երիտասարդաց Յանձնախումբի ատենապետ՝ Րաֆֆի Նալճեան, իսկ բացման խօսքը կատարեց անդամուհի՝ Լիզա Սարգիս, որ յանուն մասնակից Երիտասարդներուն փառք տուաւ Աստուծոյ, ապա շնորհակալութիւն յայտնեց Առաջնորդ Սրբազանին իր ստեղծած դիրութեանց համար, ապա հակիրճ կերպով ներկայացուց Համագումարէն քաղած իրենց դասերը:

Համագումարին մասնակցող պատուիրակները այս հանդիպումին համար յատկապէս պատրաստած էին կէս ժամ տեւողութեամբ վիտեօերիզ մը, ներկայացնելով Համագումարին աշխատանքները, ինչպէս նաեւ Վեհափառ Հայրապետին պատգամը՝ ուղղուած Երիտասարդներուն: Ապա անոնք զեկուցեցին համագումարին իրենց ձեռք բերած փորձառութեանց մասին ու պատասխանեցին ներկայ Երիտասարդներու հարցումներուն:

Փակման խօսքը կատարեց Առաջնորդ Սրբազան Հայրը, որ բարձր գնահատեց մասնակից Երիտասարդներուն բժախնդրութիւնը եւ լրջութիւնը, նման հաւաք մը յաջող կազմակերպելուն եւ Համագումարին գործոն

մասնակցութիւն բերած ըլլալուն համար: Սրբազանը իր խօսքին մէջ վեր առաւ պատրաստակամութիւն, մասնակցութիւն եւ ծառայութիւն բառերուն իմաստները, բոլոր ներկաներուն կոչ ուղղելով երիտասարդաց խմբակներու իրենց մասնակցութիւնը արժեւորելու առաւել մասնակցութեամբ եկեղեցական կեանքէն ներս, յիշեցնելով յատկապէս, որ յաջորդող՝ 2009 տարին Վեհափառ Հայրապետը հռչակած է «Հայ Զրիստոնէայ Երիտասարդի Տարի», եւ այդ տարին արժանաւորագոյնս նշելու համար՝ մեծ պարտականութիւնը կը վստահուի երիտասարդաց մեր խմբակներուն:

Նոյն օրը, երեկոյեան ժամը 6-ին, Ազգային Առաջնորդարանի «Ս. Տրդատ եւ Ս. Աշխէն» մատրան մէջ Ս. Պատարագ մատուցուեցաւ, հանդիսապետութեամբ Առաջնորդ Սրբազան Հօր: Հայ Եկեղեցւոյ տօնացոյցին համաձայն տօնն էր Յիսուսի 72 աշակերտներուն: Ս. Պատարագը մատուցանեց Հոգ. Տ. Պարթեւ Վրդ. Կիլիւմեան: Իր քարոզին մէջ Հայր Սուրբը երիտասարդներուն յիշեցուց, որ իրենք ալ այսօր Յիսուսի աշակերտներ են, Եօթասանասուներկուքին նման իրենք ալ կոչուած էազդարութեան Աւետիսը տարածելու եւ Աստուծոյ Արքայութիւնը յայտարարելու:

Ս. Պատարագի երգեցողութիւնը կատարեցին երիտասարդները:

Պատարագի աւարտին տեղի ունեցաւ հիւրասիրութիւն, եւ երիտասարդները խանդավառ մեկնեցան իրենց տուները՝ քաղցր յուշերով:

## **YOUTH GATHERING AT THE PRELACY**

On the afternoon of Saturday, October 4<sup>th</sup>, members of the Armenian Church Youth Association assembled at the Prelacy “Dikran and Zarouhie Der Ghazarian” Hall for a gathering organized by the Armenian Church Youth Association (ACYA) central board and presided over by H.E. Archbishop Moushegh Mardirossian, Prelate.

The youth had gathered for a presentation by the delegation, led by Very Rev. Fr. Barthev Gulumian, which had participated in the Catholicosate of Cilicia Youth Conference which took place from August 13-20 in Bikfaya, Lebanon.

The gathering opened with welcoming remarks by Chairman Raffi Naljian, and was followed with remarks by delegation member Liza Sarkis who, on behalf of all the participants, thanked the Prelate for the opportunity to attend the conference, then shared the experiences of the delegation at the conference.

The delegation members then presented a video clip and pictures for the youth to get a better understanding of what took place at the conference, as well as an audio recording of the message of H.H. Aram I, Catholicos of the Great House of Cilicia, geared towards the youth. A question and answer followed.

Closing remarks were offered by the Prelate in which he commended the event organizers for their efforts in the planning of the gathering, and the

delegates for their participation in the conference. He stressed the importance of the active participation of our youth in parish life, reminding them that His Holiness has declared 2009 as "The Year of the Armenian Christian Youth".

At 6:00 p.m., the youth participated in Divine Liturgy which was celebrated by Very Rev. Fr. Barthev Gulumian in the "St. Dertad and St. Ashkhen" Chapel. Given that it was the Feast of the Seventy-two Disciples of Christ, Fr. Barthev in his sermon addressed the youth saying that they too are the students of Christ and are called upon to spread our faith.

A reception followed the service.